



Broj: 02/6/IV-16-9-16-1-22/26

Tuzla, 20.07.2026. godine

Na osnovu Odluke direktora Uprave za indirektno oporezivanje BiH o prodaji službenih motornih vozila putem javne licitacije, broj: 01-16-9-23-155-4/25 od 05.12.2025. godine, Komisija za prodaju službenih motornih vozila Regionalnog centra Tuzla, imenovana u navedenoj Odluci direktora Uprave za indirektno oporezivanje BiH, objavljuje

**JAVNO NADMETANJE – LICITACIJU
za prodaju službenih motornih vozila**

Uprava za indirektno oporezivanje BiH, Regionalni centar Tuzla, raspisuje javnu licitaciju službenih motornih vozila, drugi put:

I Podaci o vozilima

LOT broj	Marka i tip vozila	Boja	Broj šasije	Snaga/ zapremina motora	Godina proizvodnje	Predeno kilometara	Istek registracije	Stanje vozila	Početna cijena
1.	Škoda Fabia	Crvena	TMBBH45JOA3175407	51/1198	2010	322980	20.09.2026.	Ispravno i funkcionalno	4.050,00 KM
2.	Škoda Fabia	Crvena	TMBBH45J9A3175390	51/1198	2010	265395	20.09.2026.	Ispravno i funkcionalno	4.050,00 KM

II Pravo učešća

1. Pravo učešća u postupku javnog nadmetanja-licitacije sistemom prikupljanja pismenih ponuda imaju sva pravna i punoljetna fizička lica.
2. Pravo učešća nemaju zaposleni u Upravi za indirektno oporezivanje i članovi njihove uže porodice.

III Depozit

1. Učesnici su obavezni izvršiti uplatu depozita/kaucije za učešće na javnom nadmetanju u iznosu od 20% od početne cijene vozila koja čine LOT najkasnije do **14.08.2026.** godine.
2. Depozit se uplaćuje za svaki LOT odvojeno.
3. Depozit se uplaćuje na glavni račun kod Centralne banke broj: 0000030000000145. Prilikom uplate depozita na pomenuti račun uplatilac (učesnici-ponuđači u postupku javnog nadmetanja) treba navesti sljedeće podatke koji se odnose na bankovni račun za uplatu sredstava:
 - Primalac: Ministarstvo finansija i trezora
 - Transakcijski račun broj: 0000030000000145
 - Poziv na broj: 37111
 - Svrha uplate: Javno nadmetanje-licitacija u UIO BiH RC Tuzla (obavezno).
4. Povrat sredstava uplaćenih na jedinstveni račun trezora za učešće u postupku javnog nadmetanja-licitacije za prodaju službenog vozila institucija BiH vrši se na osnovu zahtjeva Odsjeka za poslovne usluge, Regionalnog centra Tuzla .

IV Pregled vozila i rok za prijavu učestvovanja na licitaciji

1. Vozila iz LOT-a 1 i 2, se mogu pogledati **dana 12.08.2026. godine (srijeda)** u vremenu od **09 do 14 sati** u Regionalnom centru Tuzla UIO BiH, Mitra Trifunovića Uče 161.
2. Rok za dostavljanje ponuda je **najkasnije 19.08.2026.god. do 10^{oo} sati**.
3. Prodaja se vrši po principu "viđeno-kupljeno", što isključuje sve naknadne prigovore i reklamacije kupca upućene prodavcu po pitanju kvaliteta i eventualnih nedostataka motornog/motornih vozila.

V Dostavljanje ponuda i vrijeme održavanja licitacije

1. Ponude se dostavljaju u zatvorenoj (neprovidnoj) koverti sa naznakom „**NE OTVARAJ – Ponuda za prodaju vozila putem javne licitacije, LOT broj ____**“.
2. U slučaju prodaje motornih vozila po LOT-ovima, ponuda **za svaki LOT se pakuje u posebnu kovertu**, koje se opet pakuju u zajedničku kovertu za jednog ponuđača. U postupku podnošenja ponuda za više LOT-ova, u zajedničku kovertu može se dostaviti samo jedna ovjerena kopija identifikacijskog dokumenta ili rješenja o upisu u sudski registar za sve LOT-ove.
3. Jedan ponuđač može dostaviti ponudu za jedan ili više LOT-ova, s tim da se za jedan LOT može dostaviti samo jedna ponuda.
4. Sve ponude koje pristignu poslije **10^{oo} sati 19.08.2026.god.**, bez obzira kada su poslate, neće biti uzete u razmatranje. Ukoliko za neki LOT ne bude pismenih ponuda, odnosno uplate depozita, licitacija za taj LOT neće se održati.
5. Javno otvaranje ponuda uz prisustvo zainteresovanih ponuđača održat će se **19.08.2026. godine (srijeda) u 13^{oo} sati** u prostoriji Regionalnog centra Tuzla u ulici Mitra Trifunovića Uče 161 75000 Tuzla.
6. Otvaranju ponuda, obavezni su prisustvovati ponuđači lično ili po punomoćniku (uz dokaz o punomoći), te osoba koja je ovlaštena da zastupa pravno lice ili opunomoćnik za učestvovanje u postupku javne licitacije (uz dokaz o punomoći). Punomoć treba biti ovjerena i ne starija od 15 dana.

VI Sadržaj ponude

1. -Podaci o fizičkoj osobi: ime i prezime, ime jednog roditelja, adresa i broj telefona, broj tekućeg računa sa nazivom banke, ovjerena kopija identifikacijskog dokumenta.
-Podaci o pravnoj osobi: naziv pravnog lica, adresa i broj telefona, potpis ovlaštene osobe i pečat, ime lica ovlaštenog za zastupanje u postupku licitacije, rješenje o upisu u sudski registar ne starije od tri mjeseca ovjereno od strane nadležnog organa, broj poslovnog računa sa nazivom banke.
2. Broj LOT-a na koji se ponuda odnosi.
3. Popunjen obrazac ponude iz dijela X Javnog oglasa
4. Ponuda mora biti potpisana od strane podnosioca. Ukoliko je ponuđač pravna osoba, ponuda mora biti potpisana i ovjerena pečatom pravne osobe.
5. Dokaz o izvršenoj uplati depozita/kaucije za učešće u postupku javnog nadmetanja.

VII Tok licitacije

1. Prije otvaranja zatvorenih pismenih ponuda, Komisija će saopštiti pravila licitacije.
2. **Ponuđači su dužni prije početka licitacije dokazati svoj identitet ličnom kartom ili drugim identifikacionim dokumentom, odnosno ovjerenom punomoći za zastupanje ukoliko se radi o zastupnicima.**
3. Ponude ispod početne cijene neće biti uzete u razmatranje.
4. Iznosi ponuda su izraženi u KM.
5. Ponude ponuđača koji ne budu prisustvovali otvaranju ponuda neće biti uzete u razmatranje i isti gube pravo na povrat depozita.

6. Ponude koje ne sadrže uslove prihvatljivosti neće se razmatrati u daljem postupku prodaje.
7. Ako se na poziv odazove samo jedan ponuđač sa prihvatljivom ponudom, Komisija ga proglašava pobjednikom licitacije za taj LOT.
8. Ako se za isti LOT prijavi dva ili više ponuđača sa istom cijenom koja je ujedno i najviša cijena ponude, Komisija daje prednost ponuđaču koji je ranije predao ponudu po datumu i vremenu prijemnog štambilja službe protokola UIO BiH RC Tuzla.
9. Nakon zaključene licitacije utvrđuje se lista ponuđača koji su dostavili prihvatljivu ponudu te konstatuje se da je vozilo prodato ponuđaču sa najvećim ponuđenim iznosom.

VIII Obaveze kupca

1. Sa ponuđačem (kupcem) koji ponudi najveću cijenu po pojedinačnom LOT-u, po završenoj licitaciji zaključit će se kupoprodajni ugovor u roku od 7 (sedam) dana po završetku postupka javnog nadmetanja/prodaje i istom će biti vraćen uplaćeni depozit/kaucija po dostavljanju dokaza o uplati punog licitiranog iznosa.
2. Rok za uplatu ukupne postignute cijene je 7 (sedam) dana od dana zaključenja kupoprodajnog ugovora, a plaćanje se vrši sa bankovnih računa koji su navedeni u obrascu ponude.
3. Sve poreze i troškove oko prenosa vlasništva snosi kupac, kao i obavezu transporta vozila.
4. Ukoliko izabrani ponuđač/kupac ne pristupi sklapanju ugovora o kupoprodaji, ili ukoliko nakon zaključivanja ugovora odustane od njegove realizacije, uplaćeni depozit/kaucija mu se neće vratiti, a Uprava za indirektno oporezivanje Bosne i Hercegovine zadržava pravo dodijeliti ugovor sljedećem ponuđaču sa liste uspješnih ponuđača.
5. Primopredaja, odnosno preuzimanje motornog vozila vrši se nakon dostavljanja dokaza o izvršenoj uplati.
6. Račun se uplaćuje shodno važećoj Naredbi o uplatnim računima za administrativne takse i naknade („Sl.glasnik BiH“ broj: 30/23, 37/23, 91/24 i 04/25)

6.1. Uplatni računi:

- JR Trezor BiH-Depozitni račun br: 3380002210018390 (Unicredit banka d.d. Sarajevo)
- JR Trezor BiH-Depozitni račun br: 5517902220404858 (Unicredit banka a.d. Banja Luka)
- JR Trezor BiH-Depozitni račun br: 5556000060067744 (Nova banka a.d. Banja Luka)
- JR Trezor BiH-Depozitni račun br: 1341021020000276 (Asa banka d.d. Sarajevo)

6.2. Broj poreskog obveznika treba da sadrži 13-cifreni ID broj za pravno lice ili JMBG za fizičko lice

6.3. Vrsta uplate za svaku uplatu treba biti „0“

6.4. Poziv na broj: Broj računa ispostavljen od strane UIO BiH

6.5. Vrsta prihoda: 811114

6.6. Budžetska organizacija: 2403005

6.7. Porezni period: Treba da odgovara datumu uplate

6.8. Opština: Treba da sadrži šifru opštine sjedišta uplatioca, prema entitetskim Pravilnicima o uplati javnih prihoda

IX Dodatne informacije

1. Sve ostale dodatne informacije možete dobiti na telefon broj: 035/368-074 i 035/368-122.

X. Obrazac ponude

PONUDA ZA KUPOVINU VOZILA

LOT	Marka i tip vozila	Broj šasije	Naziv pravnog lica ili Ime i prezime, ime jednog roditelja za fizička lica	Broj telefona:	Adresa sjedišta (pravna lica) /adresa prebivališta (fizička lica)	Broj poslovnog računa sa nazivom banke:	Ponudena cijena u KM

Potpis: _____ MP(za pravno lice)
Podnosilac

Uz popunjen obrazac za cijenu ponude obavezno dostaviti:

- za fizičko lice ovjerena kopija identifikacijskog dokumenta.
- za pravno lice, rješenje o upisu u sudski registar ne starije od tri mjeseca ovjereno od strane nadležnog organa, ime lica ovlaštenog za zastupanje u postupku licitacije.
- Dokaz o izvršenoj uplati depozita/kaucije za učešće u postupku javnog nadmetanja.

Komisija za provođenje postupka javne licitacije:

